

紹興府志卷之五十六

人物志十九

仙釋

嘉泰志述仙釋蓋首范大夫梅尉焉夫留侯從赤松
遊世或目之云託若二子者豈亦將有託耶雖然使
仙也而非人則已如仙而果人也則二子者必其妙
解者也何者不難敝屣軒冕卽不難蟬蛻支體且以
其絕世越衆之識而極心於出世其精進倍矣託固
有之寧詎非真哉江左釋教大典道林允先出亦允

有名顧勝心未忘亦未必盡理中之談世或疑焉至
寶掌奇矣其他或書或詩皆倚佛致名或者非其真
雖然其亦蜉蝣塵外者也夫道家侈談洞天而諺亦
曰名山僧占多今郡中四明會稽秦望五洩天姥諸
山皆古今之靈跡詭怪奇者也許邁與王右軍書云
山陰至臨安多有金堂玉室自昔有稱矣魏君丹化
劉令雲舉道猷卓錫定光肇像稽其神異豈虛哉范
梅仙跡不甚著故弗志志二家自伯陽道猷始太中
公稱道儒必相細今二家尤甚然支公以逍遙標理

但薄用孝經愈疾要其本非有異也自宋元明來仁
益多而輕羽流尤不勝緇寢衰矣其在士大夫或有
明二氏學者魏主事宗杲錢郎中槩尤其較著者云
魏宗杲明永樂間以人材試刑部無何謝事歸遇雲
水僧談禪理遂有悟晨夕跌坐有時或兀坐草間如
木偶人臨卒謂諸子曰扶我龕中當衣我以薪錢槩
明嘉靖四年解元五年進士亦官刑部致仕後十餘
年於秦望山半巖間構八角亭獨棲其中者八年今
亭趾具存也姑蘇都太僕穆嘗遇異人謂曰凡學長

生者必於功名地馳驅數載心乃死若二公者非邪
以此續鵲羹吳門之跡夫奚悖焉宗杲諸暨人梗山
陰人

漢魏伯陽上虞人高門之子性好道術不肯仕入山
將弟子三人作神丹丹成知弟子心不盡乃先與犬
試之犬卽死弟子曰先生當服之否伯陽曰吾妻家
入山不得道亦耻復還吾當服之乃服丹入口卽死
弟子顧視相謂曰本求長生故作丹焉貴速死獨一
虞弟子曰吾師非常人也服此而死得真意也仍

服丹服之卽復死餘二弟子不敢服乃其山山爲
棺木伯陽卽起將服丹弟子及白犬去道逢人入山
伐木作手書與鄉里寄謝二弟子弟子乃始懊恨伯
陽作參同契三卷其說似解周易實論作丹之意求
章云會稽鄙夫幽谷朽生委時去害依託丘山循遊
寥廓與鬼爲隣百世而下遽遊人間敷陳羽翮東西
南傾湯遭厄際水旱隔井蓋離合寓已姓名云今金
壘觀是其遺迹

劉晨阮肇刻人永平十五年入天台山採藥經十三

日不得返望山頭有一樹桃取食之下山以杯取水
見燕菁葉流下甚鮮復有一杯流下中有胡麻飯二
人相謂曰去人不遠矣因過水行一里又渡一山出
大溪見二女容顏妙絕便問劉阮姓名問郎來何晚
也館服精華東西帷幔寶絡青衣下胡麻飯山羊脯
甚甘美食畢行酒歌調作樂暮因止宿住十日求還
苦留半年氣候和適當如春鳥鳴悲慘求歸甚切女
與諸仙女歌吹送之指示還路鄉邑零落驗得七代
孫傳聞祖翁有入山不歸者太康八年失二人所

在

蒯子訓不知所由建安中客濟陰宛句已駕驢車詣
許下因遁去去之日唯見白雲騰起從旦至暮如是
數十處時有百歲翁自說童兒時見子訓賣藥於會
稽市顏色不異於今後人復於長安東霸城見之與
一老翁共摩挲銅人相謂曰適見鑄此已近五百歲
矣顧視見人而去猶駕昔所乘驢車也見者呼之曰
蒯先生小住並行應之視若遲徐而走馬不及

吳朱孺子永寧人師道士王元真極大若巖下嘗於

溪畔見二花犬逐之入枸杞叢下幾與元真斲叢下得枸杞根類花犬堅如石煮之孺子先取飲之俄而飛立前峯謝元真而去元真後亦不知所終

升象字元則會稽人學道得度世藥藥之術能隱形變化入山谷見一美女曰汝食氣未盡可斷穀三年來象如期而往乃授以還丹術大帝聞之召至武昌尊敬之從象學蔽形之術還後宮及出門莫有見者又使象作變化試種瓜菜百果皆立生可食大帝由論鱸魚何者最美象曰鱸魚爲上大帝曰此出海中

安可得象乃作方塹汲水滿之垂綸得鱖魚大帝曰
帳無蜀薑作齏象書一符著青竹杖中使人閉目騎
杖至成都買薑薑到厨切鱖適了大帝爲介起第宅
以御帳給之求去不許有種黍於山中苦獼猴食之
戒曰吾告介君猴卽去自言某月日病大帝使左右
以黍漿賜之便死大帝葬之後人復見象在蓋行山
中其弟子發棺視之惟一符耳

劉綱字伯經下邳人初居四明山後爲上虞令師事
自君受道歷年道成邀親故會別飲食畢登太皞焚

木上去地十餘丈舉手而別忽然飛入雲中妻樊夫
人亦有道術俱飛昇去今四明山傳有樊榭乃夫人
道跡也

趙寶信陽城人魏末渡江入剡小山受李法成服炁
法又受師左軍守元中之道內見五藏徹視法如此
七八十年周旋郡國或賣藥出入人間人莫知也多
來都下市井作九華丹傳云丹成遂乘雲駕龍白日
登天

虞翁生會稽人受仙人介君食日精法以大帝時隱

張伍山兼行雲炁回形之道精思積久形體更小如童子後人見其乘雲上天

晉葛元字孝先句容人從左元放受九丹金液仙經嘗服餌求長生能絕穀連年不饑曾遊會稽有買人從海中還過神廟廟使主簿語買人曰今欲因寄一書與我仙公可爲致之主簿因以函書擲買人船頭如釘着板板不可得還達會稽輒以報仙公公自往取之卽得也語弟子張恭曰吾不得治作大藥今當作尸解去八月十二日月中時當發至期衣冠入室

而卧氣色不變弟子等燒香守之三日三夜夜半中
忽大風起發屋折木聲響如雷燭滅良久風止然燭
失仙公所在但見衣在而帶不解今會稽有仙公釣
磯及煉丹井俱在

嚴青會稽人遇神人授素書一卷曰汝骨應得長生
青言我不識書當奈何神人曰不須讀也但以潔器
盛之置高處耳并教服石髓法受之無他佳器惟有
飲壺乃用以盛所授書即便見其左右常有數十人
侍之治病救患但以所授書到其人家所病便愈百

姓尊奉之後斷穀不食一年入小霍山仙矣

葛洪字稚川仙公從孫以儒學知名性寡慾不好榮利閉門却掃究覽經籍尤好神仙導養之法初仙公以煉丹秘術授弟子鄭君稚川就鄭君悉得其法咸和初選爲散騎常侍固辭不就聞交趾出丹砂求爲勾漏令乃止羅浮山煉丹在山積年優游閑養著述不輟著抱朴子一百十六篇年八十一卒顏色如玉體柔軟舉尸入棺輕如空衣世以爲尸解得仙輿地志云上虞縣蘭芎山葛稚川所棲隱也

許字思元少知名儒雅清素博學有文才簡文皇帝久垂俗表之顧與時賢多所儔結少仕郡主簿功曹史王茂弘蔡道明辟從事不赴遷補太學博士出爲餘姚令入爲尚書郎郡中正護軍長史雖外混俗務而內修真學密授教記遵行上道挺分所得乃爲上清真人少子靜養久居會稽禹井山頗遵承家法傳受經書云

齊顧歡見高賢傳隱剡山性好服食每旦出山鳥集其掌取食弟子鮑靈綬門前有樹六十圍上有精

數見歡印樹樹即枯死山陰白石村多邪病村人
訴求哀歡爲講老子皆愈又有病邪者歡問其家有
孝經否令取仲尼居一章置枕邊而愈齊高帝輔政
徵揚州王簿踐祚乃至稱山谷臣進政綱一卷優詔
東歸賜麀尾素琴年六十四卒於剡山中

嵇伯玉見竊賢傳年十八父爲婚婦前門人伯玉復
門出蓬萊剡居瀑布山三十餘年隔絕交往齊高帝
手詔吳會二郡敦遣辭以疾帝不欲違其志勸於白
石山立太平館舍之孔稚圭從其受道爲於館立碑

常棲止一樓卒遂薨樓所年八十六

謝元卿會稽人好吟賦延年之術常作東郭先生道引法服仙人五明散年近百歲精力不衰後入五泄山遇仙子事甚奇詳見山川志

梁陶弘景字通明丹陽秣陵人十歲得葛稚川神仙傳晝夜研尋便有養生之志齊高帝作相引爲諸王侍讀永明中脫朝服挂神武門上表辭祿許之勅所
在月給茯苓五斤白蜜二斤以供服餌仙書云服方
百壽千歲弘景晚年一眼有時而方梁大同二年

年八十五顏色不變香氣累日謚貞白先生按內傳
言先生嘗遐遁東邁改名氏曰王整官稱外兵今會
稽陶宴嶺有先生遺跡嶺由此得名又上虞縣釣臺
山夏侯曾先地志言先生嘗乘槎釣於山下潭中

孫韜剡人入山師潘四明叅受真法陶隱居手爲題
握中秘訣門人罕能見惟傳韜與栢闔二人

魏道微上虞人好道相傳謂仙去今邑中有其墓

袁根栢碩皆剡人因驅羊度赤城山有石門忽開見
二女方笄遂入與語後謝歸女以香囊遺之根後羽